



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-466-5/22**
Datum: **21.10.2022. godina**

«Agencija za vodno područje rijeke Save» Sarajevo rješavajući po zahtjevu pravnog lica JP „ŽELJEZNICE FEDERACIJE BOSNE I HERCEGOVINE” d.o.o. Sarajevo za izdavanje vodne dozvole za aktivnosti ispuštanja tehnoloških otpadnih voda u prirodni recipijent sa lokacije objekata Centralne radionice Rajlovac za opravak, remont i servisiranje vučnih i vučenih vozila, izgrađenih u naselju Rajlovac, općina Novi Grad, Sarajevo, na osnovu člana 109. stav (1) tačka 2. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

R J E Š E N J E **o vodnoj dozvoli**

1. Pravnom licu JP „ŽELJEZNICE FEDERACIJE BOSNE I HERCEGOVINE” d.o.o. Sarajevo daje se vodna dozvola za aktivnosti ispuštanja tehnoloških otpadnih voda u prirodni recipijent sa lokacije objekata Centralne radionice Rajlovac za opravak, remont i servisiranje vučnih i vučenih vozila, izgrađenih u naselju Rajlovac, općina Novi Grad, Sarajevo, izgrađenoj na zemljištu označenom kao k.č. broj: 1466, 1467, 1469, 1470, 1472, 1473 i 1474 K.O. Novo Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje uz slijedeće uslove koje je vlasnik odnosno korisnik objekta dužan provoditi u roku važenja ove dozvole i to:
 - 3.1. Da se opravka vučnih i vučenih vozila i servisiranje istih vrši isključivo u radionici namjenjenoj za tu vrstu aktivnosti.
 - 3.2. Da se tehnološke otpadne vode sa lokacije radionice za opravku elektromotornih vozila prikupljaju putem kanalice sa rešetkom i odvedu internom kanalizacionom mrežom u taložnik (dva taložnika). Iz taložnika da se odvedu do tipskog separatora ulja i masti sa koalescentnim filterom, te preko okna za monitoring odvedu do ispusta izvedenog u potok Magrinjak, čiji je krajnji recipijent rijeka Miljacka.
 - 3.3. Da se tehnološke otpadne vode sa lokacije gdje se vrši pranje rezervnih motornih dijelova prikupljaju i odvedu do separatora ulja i masti sa koalescentnim filterom, te preko okna za monitoring internom kanalizacionom mrežom odvedu do ispusta izvedenog u potok Magrinjak, čiji je krajnji recipijent rijeka Miljacka.
 - 3.4. Da korisnik poslovnog objekta obavezno izgrađene objekte, a čija svrha je prikupljanje, odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent – otvoreni vodotok, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta

- otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
- 3.7. Da se odgovorno vodi proces rada kako bi se smanjila količina ispuštenih ulja, maziva i sl. u toku opravke i remonta vučnih i vučenih vozila.
 - 3.8. Da se osiguraju priručna sredstva za brzu intervenciju u slučaju nekontrolisanog istjecanja ulja, maziva i sl. kako bi se spriječilo moguće zagađenje voda i tla (materijal za upijanje: piljevina, prikladni adsorbensi, odgovarajuće posude, uređaj za pretakanje i sl.).
 - 3.9. Da se posude za prihvatanje opasnog otpada (hidraulička ulja, masti za podmazivanje, sredstva za čišćenje i sl.) ne smiju ni privremeno odlagati na česticu „vodno dobro“, odnosno u vodotoke i na njegove obale.
 - 3.10. Da se otpad nastao od brušenja osovina u objektu Strug adekvatno skladišti i zbrinjava od strane odabranog kupca u skladu sa Zakonom o javnim nabavkama, prema sklopljenom ugovoru.
 - 3.11. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim u toku procesa rada na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
 - 3.12. Da pražnjenje i konačno zbrinjavanje sadržaja iz posuda sa opasnim otpadom može vršiti isključivo pravno lice ovlašteno za tu vrstu djelatnosti, prema sklopljenom ugovoru, te redovno voditi dnevnik o pražnjenju i odvozu sadržaja iz posuda sa opasnim otpadom.
 - 3.13. Da korisnik poduzme sve potrebne mjere da obavljanjem aktivnosti na predmetnom lokalitetu ne dođe do šteta ili nepovoljnih uticaja na vode i vodni režim (degradiranje kvaliteta voda, promjene morfologije vodotoka, povećanje rizika od poplava ili erozije dna i obala vodotoka i dr.).
 - 3.14. Da u slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik obavezno izvjeti nadležne organe i izvrši izvanredna postupanja po nalogu nadležnih organa, te o vlastitom trošku uzroke štete otkloni, a nastale štete nadoknadi.
 - 3.15. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 13. i 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice JP „ŽELJEZNICE FEDERACIJE BOSNE I HERCEGOVINE“ d.o.o. Sarajevo, se dana 12.09.2022. godine obratilo ovoj Agenciji sa zahtjevom za izdavanje vodne dozvole za aktivnosti ispuštanja tehnoloških otpadnih voda u prirodni recipijent sa lokacije poslovnih objekata Centralne radionice Rajlovac za opravak, remont i servisiranje vučnih i vučenih vozila, izgrađenih u naselju Rajlovac, općina Novi Grad, Sarajevo, na zemljištu označenom kao k.č. broj: 1466, 1467, 1469, 1470, 1472, 1473 i 1474 K.O. Novo Sarajevo.

Uz zahtjev je dostavljena slijedeća dokumentacija:

- Ovjereni kopija Aktuelnog izvoda iz sudskog registra broj: 065-0-RegZ-22-006934 od 07.07.2022. godine izdat od strane Općinskog suda u Sarajevu;
- Ovjereni kopija Uvjerenja o poreznoj registraciji donesenog od strane Porezne uprave – Kantonalni ured Sarajevo, 07.03.2007.godine;
- Kopija Rješenja broj: 06-23-2977/10 SM od 26.05.2010. godine o izmjeni Rješenja o urbanističkoj saglasnosti za izgradnju poslovnog objekta za održavanje vozova broj: 06-23-5686/08 od 19.09.2008. godine, donesenog od strane Općinske službe za urbanizam i stambene poslove Općine Novi Grad Sarajevo;
- Elaborat geodetskih snimanja – Objekat potpornog struga I, objekat mjerna stanica „EVA“ urađen septembar 2009. godine;
- Elaborat geodetskog mjerenja - DEPO Rajlovac, urađen oktobar 2008. godine;
- Kopija Obavjesti date od strane Općinske službe za imovinsko pravne, geodetske poslove i katastar nekretnina Općine Novi Grad Sarajevo za upis prava na raspolaganje na nekretninama na lokalitetu Rajlovac – depo Rajlovac, broj: 07-31-6758/06 I.C. od 26.02.2008. godine;
- Kopija rješenja o okolinskoj dozvoli broj: UP-I 05/2-02-19-5-39/20 FM od 09.10.2020. godine donesenog od strane od Federalnog ministarstva okoliša i turizma;
- Kopija Rješenja o vodnoj dozvoli broj: UP-I/25-3-40-215-6/17 od 06.09.2017. godine izdato od strane Agencije za vodno područje rijeke Save, Sarajevo;
- Opći akt od održavanju, korištenju i osmatranju vodnog objekta i postupanje u slučaju kvara – Centralne radionice ŽFBiH, maj 2022. godine;
- Kopija Prepisa posjedovnog lista 1716/14 donesenog od strane Službe za imovinsko-pravne, geodetske poslove i katastar nekretnina Općine Novi Grad, broj 07-951- od 20.05.1999. godine;
- Kopija Izvještaja o obračunu broja ekvivalentnih stanovnika za mjesec januar – juli 2022. godine;
- Kopija Ugovora broj: 1-12435-1/2022 sklopljenog sa „DELTA PETROL“ d.o.o. Kakanj za usluge čišćenja separatora zauljenih otpadnih voda, sklopljenog dana 17.06.2022. godine; „Projekat sanacije vodovoda i kanalizacije-Radiona za opravku elektromotornih vozila Rajlovac, Sarajevo (na uvid);
- Projektna dokumentacija infrastrukture objekta u Rajlovcu-vanjski vodovod i kanalizacija (na uvid);
- Glavni projekat objekta centralne radionice u Rajlovcu, knjiga IX.vanjski vodovod (na uvid);
- Glavni projekat – Ucjeljenje kanala Magrinjak i ugradnja separatora za prečišćavanje tehnoloških otpadnih voda u krugu teretne stanice Rajlovac, urađen od strane DESIGN & QC d.o.o. Sarajevo, april 2018. godine;

- Dokaz o uplaćenju upravnoj pristojbi.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz Rješenja o vodnoj dozvoli (broj: UP-I/25-3-40-215-6/17 od 06.09.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 13.09.2022. godine konstatovano je da podnosilac zahtjeva JP Željeznice FBiH d.o.o. Sarajevo redovno izmiruju svoje obaveze uplate posebnih vodnih naknada za objekte Centralne radionice Rajlovac za opravak, remont i servisiranje vučnih i vučenih vozila, izgrađene u naselju Rajlovac, općina Novi Grad, Sarajevo.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-466-3/22 dana 06.10.2022. godine.

Na osnovu dokumentacije dostavljene uz zahtjev i izvršenog uviđaja na predmetnoj lokaciji utvrđeno je slijedeće:

Objekti centralne radionice Rajlovac locirani su u industrijskoj zoni Rajlovac, općina Novi Grad, Sarajevo, u ulici Bačići broj 23. Predmetna lokacija je cca 900 m udaljena od rijeke Miljacke.

U krugu centralne radionice Rajlovac izgrađeni su slijedeći objekti: radionica za opravku lokomotiva, radionica za opravku kola, radionica za opravku elektromotornih vozila, radionica za opravku kočione opreme, objekat struga, zgrada vuče vozova, 4 magacina, servis za opravku lokomotiva, dvije čuvarske kuće i zgrada teretne stanice.

Vodosnabdijevanje objekata na predmetnoj lokaciji riješeno je priključkom na javnu gradsku vodovodnu mrežu.

U procesu opravke i remonta vučnih i vučenih vozila kao i servisiranja istih ne koristi se voda. U radionici za opravku lokomotiva i vagona servisni kanali nemaju slivnike, a čišćenje ulja i maziva, koje se eventualno raspe u toku remonta i servisiranja, se vrši suhim postupkom. U radionici za opravku elektromotornih vozila, servisni kanali su opremljeni slivnikom koji je priključen na internu vanjsku kanalizacionu mrežu. Svo ulje i mazivo koje se mijenja u toku remonta i servisiranja se prikuplja u burad, a eventualno prosuto ulje se čisti suhim putem. Krpe i priručna sredstva, koja se koriste pri brisanju podova servisnih kanala, se zbrinjavaju u posebne posude.

Tehnološke otpadne vode koje nastaju u radionicama za opravku elektromotornih vozila se putem podnih kanalic sa rešetkom prikupljaju i odvođe do taložnika (dva taložnika) izgrađene uz objekat radionice. Te otpadne vode se dalje putem interne kanalizacione mreže odvođe do tipskog separatora ulja i masti sa koalescentnim filterom i dalje preko okna za monitoring do ispusta (prvi ispust) izvedenog u potok Magrinjak, čiji je krajnji recipijent rijeka Miljacka. Tehnološke otpadne vode koje nastaju od pranja rezervnih dijelova se prikupljaju i odvođe do drugog tipskog separatora ulja i masti sa koalescentnim filterom, te preko okna za monitoring odvođe do ispusta (drugi ispust) izvedenog u potok Magrinjak, čiji je krajnji recipijent rijeka Miljacka.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. Dispozitiva rješenja propisani uslovi kojih se dužan pridržavati prilikom korištenja objekta u skladu s članom 116. Zakona o vodama («Službene novine Federacije BiH», broj 70/06) i odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). U skladu s odredbama Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) korisniku objekta utvrđene su obaveze u tačkama 4. dispozitiva ovog Rješenja.

U skladu s odredbama Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj: 6/98, 8/00, 45/10 i 43/13), podnosilac zahtjeva je uplatio upravnu taksu u korist Računa javnih prihoda federalnog budžeta.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

PRILOG: Glavni projekat – Ucjevljenje kanala Magrinjak i ugradnja separatora za prečišćavanje tehnoloških otpadnih voda u krugu teretne stanice Rajlovac, urađen od strane DESIGN & QC d.o.o. Sarajevo, april 2018. godine

Dostaviti:

- JP „ŽELJEZNICE FEDERACIJE BIH“ d.o.o. Sarajevo , Ul. Musala br.2., 71000 Sarajevo (sa prilogom)
- AVP Sava, ISV-vodna knjiga,
- Sektor 50-ovdje
- 📁 Sektor 40 – arhiva
- Oglasna ploča AVP Sava-Sarajevo